

Title Page  
Back Cover  
Front Cover

Nga Mahi A Te Hui O Te Hahi Maori

O Te Atirikonatanga O Te Waimate

I Te Pihopatanga O Akarana. I Huihui Ki Te Waimate. I aAPERIRA 22 1872. Akarana. Taia Tenei Ki Te Perehi A Te Kura O Tipene E HENRY HILL. 1872.

# Nga Tangata O Te Hui Tuatahi O Te Hahi Maori O Te Atirikonatanga O Te Waimate I Te Pihopatanga O Akarana.

## Ko Te Korero A Te Pihopa Ki Te Hui O O Te Hahi Maori I Te Waimate.

I m#tua Karakia te Hui ki te Whare. karakia o Hoani i Te Waimate. Na Revs. P. Patiki raua ko R. W. Tangata i korero nga Upoko. Na te Pihopa ratou ko Atirikona Karaka, ko Revs. P. Patiki ko R. W. Tangata i whakatakoto i te Hapa a te Ariki. Nga tangata i tango i te Hapa Tapu e 45, ko te kohikohi 13s. 6d. mo nga mea a te Hui.

Ka mutu te karakia ka noho te Hui, a, ka oti te karangaranga nga ingoa o nga tangata o te Hui e te Upoko, ka kiiia e ia he Hui i rite ki ta te ture. Ka tu a te Pihopa ka korero:—Ko enei aua korero.—

- Ko te huihuinga tuatahi tenei o tenei Hui o te Hahi Maori. Te tikanga i huihui ai kei te 3 o nga Ture o te Hinota nui. Te mea i huihui ai koia tenei; ara, Kia korerotia e nga tangata o te Hahi nga mea e nui ana mo ta ratou Hahi. E kore tenei e taea i roto i te Hinota o tenei Pihopatanga; no te mea kahore e tokomaha nga tangata o taua Hinota e mohio ana ki te reo Maori.
- E kore tetahi ture o tenei Hui e mau ki te kahore e whakaaetia e te tokomahatanga o nga Reimana, o nga minita, i roto i te Hui, e te Pihopa hoki, e tona whakakapi turanga ranei. E kore ano hoki e mau ki te mea e takahia ana i taua ture tetahi ture o te Hinota o tenei Pihopatanga.
- Pai rawa tenei huihuinga; no te mea ka rongo tatou ki nga whakaaro a tetahi, a tetahi, a ka whai ngakau nga Reimana, me nga minita, ki nga mahi o ta tatou Hahi.
- Me korero e tenei, e tenei tana i kite ai, me nga mea ano e nui ana mo ta tatou Hahi.  
Me korero mai e nga Reimana nga mea e matea ana e o ratou wahi. Kia marama te kupu, kia horipu te kupu.  
Me korero ano e nga Minita nga mea e piri mai ai nga Reimana hei hoa mo ratou ki te mahi.
- Ora rawa toku ngakau ina whakaaro ahau ki te ahua o te Hahi i enei wahi.  
I nga wahi katoa i haere ai ahau i kite ahau i te ahua pai o te hunga whakapono. I ahua mate i mua. Inaianei e wana ake ana. Kua hoki mai nei ahau i Mangakahia. Pai tonu te whare i hang# e Reihana ki reira. Naku i ta tona kawa. Ki te pai te Atua ka whakanohoia e ahau i roto i nga ra e haere ake nei he minita ki reira. Tetahi atu whare i hang# e Reihana kei Ohaeawai. No tenei tau kua pahemo nei i taia ai e ahau tona kawa. Nga whare karakia o te Waimate, o Kororareka, kua hang# kia pai. Nui atu te ohaoha o nga tangata maori ki te kohikohi moni mo aua whare. To Paihia kahore ano kia hang# noatia. Otiia e mohio ana ahau, kei etahi atu hokinga mai oku ka rokohina mai e ahau e pai ana. Ka nui ano hoki toku pouri ki te kahore e rokohina mai e ahau kua hang#, kua pai te whare karakia o Kaitaia.
- Tetahi atu oranga ngakau ano hoki oku, ko te kaha o nga monita ki te pupuri i te karakia i nga k#inga kahore nei he minita. Na reira hoki, i nga k#inga katoa i tae atu ai ahau he tokomaha nga tangata mo te whakaunga. Ki taku titiro ano hoki kua neke te ahua o nga tangata i roto i te whare karakia. Torutoru rawa nga tangata i kitea e noho ana i te mea e karakia ana. E kore ano pea e taro ka kitea kua rite katoa nga taitamariki, nga taitamahine i te pukapuka karakia.
- Tetahi mea nui ano hoki i kitea e ahau koia tenei, E whakanuia ana e koutou te karakia i te mea e marena ana. E whakaaro ana ahau ka tata te ra e ki ai nga m#tua he nui ta Te Atua whakapainga i a ratou tamahine i te mea e e marenatia ana; a ka mea me haere atu ratou i runga i te karakia ki te marena.
- Koa tonu toku ngakau i toku rongonga ai kua tu te kohikohi i nga Ratapu katoa i roto i tenei

Atirikonatanga. Me whakaaro wawe tatou ki etahi moni kia takoto hei moni mo te whare, hei moni mo nga mahi, hei moni mo nga minita.

- Ki te taea e ahau ka whakanohoia e ahau he minita ki Mangakahia, ki Ohaeawai, ki te Waimate, ki te wahi ano hoki e takoto atu ana i Kaitaia ki te pito rawa ki raro. Kei nga tangata ia o era wahi te whakaaro. Me homai e ratou etahi moni mo aua Minita. Kia kotahi wahi i roto i nga wahi e wh# e homai e ratou. Kia rua nga wahi e homai e te Hahi Mihinare. E whakaaro ana ahau tera e homai e ratou; no te mea e nui ana to ratou aroha ki te tangata Maori. Toe ake ko tetahi wahi. Maku tetahi hawhe o taua wahi e hoatu, ki te homai tetahi hawhe e nga tangata o aua k#inga, ara, ki te homai e ratou he tahua ko ona hua ka tae ki te, £12 10s. 0d. Ko taku mea tenei hei whakaaronga ma tenei Komiti, ara, Me pehea e whai moni ai to koutou Hahi hei tahua minita ina whakanohoia he minita ki aua k#inga nei.
- I tenei takiwa me whakarite tetahi monita mo ia kainga mo ia kainga, me whakaatu mai nga ingoa ki a au e te minita, e te Hahi o te kainga, a maku ia e whakatu.
- Tenei ano tetahi kupu, me whakaatu mai e koutou ki a au, E pai ana ranei koutou kia huihui koutou ki te Komiti o Hauraki, o Waikato ? Ma koutou ranei ta koutou hui, kia pena ranei me koutou e huihui na inaianei;

Ko taku Whakamutunga tenei. Kia manaakitia koutou e Te Atua i a koutou e kororero nei.  
NAKU NA TE PIHOPA.

I whakaaria e Rev. M. Taupaki,

I tautokona e Rev. R. W. Tangata,

He whakapai atu tenei na te Hui ki te Pihopa mo ana korero, a e mea ana kia whakaae mai ia kia Perehitia. Whakaetia ana.

I whakaaria e R. W. Tangata,

I tautokona e Rev. M. Taupaki,

Me penei he Huarahi mo te mahi o tenei Hui

- Ka mutu te inoi te whakahua e te Upoko;  
Me whakapumau nga tuhituhi o to mua ake huihuinga.  
Me panui nga korero a nga Komiti.  
Me hurihuri nga whakaari kua oti te whakapuaki hei mea mo ia rangi.  
Hei nga wa watea ka whakapuaki ai i nga whakaari mo etahi rangi.
- Ka tu te tangata ki te korero, kia ahu atu tana korero ki te Upoko.
- Ki te mahue i tetahi tangata te ara o te korero, kaua etahi e pokanoa ki te aruaru, engari, me ki atu ki te Upoko.
- I te mea e hurihurhia ana tetahi mea i whakaaria, kaua tetahi tangata e tuarua ki te korero, heoi ano, ko te kai-whakaari anake, ina mutu nga korero a te tokomaha. I te mea ia e Komiti ana te Hui katoa, e pai ana kia maha nga tunga ake o te tangata ki te korero.
- Kaua e whakaaria e te tangata tetahi mea kihai nei i matua whakapuakina ki te Hui, tuhituhi rawa, i tetahi rangi i mua ake.
- Ka oti tetahi mea te hurihuri e te Hui, mahue rawa, kaua e whakaaria ano i roto i nga ra o taua whakaminenga o te Hui.
- Ki te kahore he tangata hei tautoko i te whakaari a tetahi, e kore taua whakaari e waiho hei take korero ma te Hui.
- Ka whakatakotoria he tikanga pumau mo tetahi mea e te Hui, me penei anake:  
Me whakaae e te Hui kia panuitia.  
Me Komiti takitahi nga kupu e te Hui katoa.  
Hei tetahi rangi atu ka ata whakatakoto ai hei tikanga pumau.

Ka korerotia e te Atirikona he mea whakahau mai e te Pihopa, tenei ki a te Hinota o te Pihopatanga o Akarana;—

*"E hari tahi ana tenei Hinota me nga tangata maori o Mangakahia, o Ohaeawai, o te Waimate hoki, mo te otinga o o ratou Whare-karakia, ara, o Te Heparu Pai—o Mikaera, —o Hoani; a he mea atu tenei kia kakama ta ratou whakakapai i nga Tahua whangai Minita mo aua Whare-karakia."*

Ka korero a Rev. M. Taupaki i etahi kupu hei mihi atu ki te Hinota mo ta ratou whakapai mai.

I whakaaria e Atirikona Karaka,  
I tautokona e Rev. P. Patiki,  
Kia whakaritea he Komiti hei kohikohi Tahua whangai Minita mo nga kainga ka whakahuatia nei:—Mo  
Mangakahia, mo Kaikohe, mo Ohaeawai, mo te Waimate, mo Whangaroa, mo Kaitaia, mo Whangarei, mo  
Parirauewha (Kaipara.)  
Whakaaetia ana.

Tahuri ana te Hui ki te whakariterite Komiti, a ko enei nga Komiti i oti:—

*Mo Mangakaahia.*

Ko Paora Kiwi, Matiu te Aranui, Petuere Rauriki, Kamariera te Wharepapa, Horomona te Atua, Kauhi te Rangi,  
Eruera Totara.

*Mo Kaikohe.*

Ko Wiremu Hongi te Ripi, Hare Poti, Komene Poakatahi, Natanahira Rae, Akaripa Haki, Hirini Taiwhanga.

*Mo Ohaeawai.*

Ko Heta te Hara, Hirini Keno, Eruera Waikerepuru, Henare te Hemoiti, Wiremu Raukawa.

*Mo te Waimate.*

Ko Wiremu Katene, M.H.R., Hare Wirikake, Hone Peti, Hira Kawhe, Ihaka Paehoka.

*Mo Whangaroa.*

Ko te Kepa Tupe, Hemi Mowhiti, Tamati Ho, Paratene Poti, Riwhi Hongi, Kingi Hori Kira, Arama  
Whakapeke, Heremaia te Ara.

*Mo Muriwhenua, (Kaitaia.)*

Ko Hohepa Poutama, Hare Riwhi Hukatere, Wiremu Kingi, Hehi te Pa, Timoti Puhipi, Haimona Tatu,  
Hakaraia te Awarau, Homi Parahoi, Hetaraka Taumataiti, Hemi Kapa.

*Mo Whangarei.*

Ko Wiremu Taurau, Eruera Nehua, Tipene Hari, Reweti Tahua, Paora Kaitangata.

*Mo Parirauewha, (Kaipara.)*

Ko Hohai te Whiwhi, Hone Piihana, Rewiri Manawa, Arapeti Memeha, Meinata te Mati, Maihi Whareipu.

I whakaaria e Revd. M. Taupaki,

I tautokona e Hare Ianga,

E whakaae ana tenei Hui kia whakakotahitia nga Hui o o te Hahi Maori o te Pihopatanga o Akarana, ki te kitea he moni hei utu mo te ekenga o nga tangata o te Hahi ki te Kaipuke e tae atu ai ratou ki Akarana. Whakaaetia ana.

I whakaaria e Hohaia te Pawhau,  
I tautokona e Revd. R. W. Tangata,  
Ki te kore e kitea he moni e tae ai tenei Hui ki Akarana kia whakakotahitia ai nga Hui o tenei Pihopatanga, ko Oruru te kainga e hui ai a Noema 22, 1872:—  
Whakaaetia ana.

## **Whakaunga. 1871.**

### **KO NGA KAI-WHAKAAKO ENEI O TE ATIRIKONATANGA O TE WAIMATE.**

### **KO NGA MONI ENEI I KOHIKOHIA E NGA TANGATA MAORI O IA WAHI, O IA WAHI, O TE ATIRIKONATANGA O TE WAIMATE I TE TAU 1871.**

Nga moni i kohikohia e nga tangata maori o te Waimate i timata ki Aperira 19, tae noa ki Tihema 31 1871.

**OHAEAWAE.**

**MANGAKAHIA.**

**WAIPARERA, (HOKIANGA.)**

**PARIRAUUEWHA, (KAIPARA.)**

**ORURU.**

**KOHUMARU, (ORURU.)**

**PARAPARA, (ORURU.)**